

1° Episcopus, tenetur etiam absens recitare officium juxta ritum ecclesiae, cui est ligatus (1). Ex speciali autem privilegio, quando reperitur in aliquo suae diocesis loco, officium patroni seu titularis, de quo ibidem recitatur, licite recitare, et sic præcepto recitandi officium satisfacere valet (2) : similiter ecclesiam consecrans, etiamsi non sit ordinarius loci, officium dedicationis in ipso die consecrationis dicere potest : in neutro tamen casu debet (3).

2° Canonici et beneficiarii semper tenentur ad officium propriae ecclesiae, a qua absunt (4).

3° Alii sacerdotes et clerici saeculares, ad horas canonicas obligati, qui alibi domicilium figunt, aut pergunt animo figendi domicilium, aut etiam juxta quosdam ibi manendi majori anni parte; tenentur sequi kalendarium diocesis, ad quam divertunt, cum ejusdem subditi fiant (5). Si extra patriam aut diocesim versentur animo ad propriam diocesim redeundi; officio loci ubi morantur (6) generaliter conformari possunt, sed non debent : et certe suum officium melius retinebunt : 1° si ecclesiae suae maneant adscripti, uti parochus et viceparochus, qui aequè ac Episcopus et canonicus ecclesiae ligantur; 2° si de loco ad locum peregrinentur, quia in hoc casu sese conformare officio alterius loci, plus aequo inconstans divini officii ratio foret, pluribusque incommodis obnoxia ex multiplici officiorum occursu, concursu, repetitione et omissione; et 3° si per breve tempus in alio loco morentur, uti tempore exercitiorum spiritualium, in quibus exercitantes proprium retinent officium (7) sine speciali indulto, quale datur in exercitiis sub directione Patrum

(1) S. R. C. 10 Jul. 1677, n. 1676-1828, n. 3.

(2) S. R. C. 14 Mart. 1643, n. 1290-1437.

(3) S. R. C. 7 Maji 1746, n. 4032-4181, 8; Cavalieri tom. I, dec. 27.

(4) S. R. C. 10 Jul. 1677, n. 2676-2828, 3 et 12 Nov. 1831, n. 4520-4669, 50.

(5) S. R. C. 14 Maji 1672, n. 2434-2586; Cavalieri tom. 2, dec. 361, n. XV; Gavantus sect. 2, c. 2 n. 16; Quarti p. 1, tit. 14, dub. 2, in fine.

(6) S. R. C. 12 Nov. 1831, n. 4520-4669, 50.

(7) S. R. C. 12 Nov. 1831, n. 4526-4675; 7 Maji 1847, n. 4899-5093.

Societatis Jesu, modo officium simul persolvatur (1) : si autem alibi per longum tempus morentur, officio istius loci sese melius conformabunt (2). Saeculares tamen sacerdotes in monasteriis degentes, sine indulto neque religiosorum officium assumere, neque horas canonicas juxta illorum ritum recitare valent (3).

4° Si sit regularis, « in itinere sequendus divini officii ordo » cœnobii, ex quo discessit : dum pervenit, et manet in » altero cœnobio, etsi ad tempus, hujus ordinem officii » sequatur » (4). Et ita rescripsit S. R. C. (5) regularibus » semper sequendum esse ordinem officii juxta cœnobium, » in quo moram faciunt etsi ad tempus, quia ubique choro » interesse tenentur. » Quod, ut liquet, intelligendum est, non de omnibus regularibus indiscriminatim, sed de illis solis, qui officium divinum in choro recitant (6). Item « tem- » pore quadragesimæ divini verbi præcones commorantes » extra cœnobium, non tenentur se conformare ordini divini » officii cœnobii vicinioris, vel ejus ex quo discesserunt, et » ad quod redire post pascha debent, sed se conformare » debent ad provinciae kalendarium sine ulla diversitate pro » omnibus quolibet anno extensum » (7).

5° Clericus assistendo publico officio, vel aliquibus horis, ut vespere in ecclesia, in qua diversum a suo recitatur officium; certo satisfacit, si assistat ex officio (8) : quidam ipsum semper satisfacere dicunt, licet casu fortuito et sua sponte assistat; Collet autem (9) hoc restringit ad illum, qui ad officium vocatus aut invitatus fuit.

(1) Indultum 7 Jul. 1864. *Nouvelle Revue théolog.*, t. 3, fol. 315.

(2) S. R. C. 30 Sept. 1596, n. 97, in supplem.; Cavalieri loco cit.

(3) S. R. C. 28 Aug. 1846, n. 4989-5052.

(4) S. R. C. 31 Aug. 1839, n. 4728-4874, 1.

(5) 25 Sept. 1852, n. 5175.

(6) S. R. C. 18 Sept. 1877, n. 5713, III.

(7) S. R. C. 31 Aug. 1839, ibidem ad 2, in una ordinis Min. s. Franc. Capuc. Hetruriae.

(8) S. R. C. 5 Oct. 1697, n. 3303-3452; Cavalieri tom. I, dec. 26, n. 34.

(9) *Traité de l'off. div.*, p. 1, ch. 3, n. X.

**229.** Not. 1° si quis infra annum transeat ab uno ad alium conventum, vel ab una ad aliam ecclesiam, sive ad tempus, sive perpetuo ibi moraturus; illum etiam in privata officii recitatione se conformantem kalendariis conventus vel ecclesiae, in qua actualiter moratur, satisfacere oneri recitationis horarum canonicarum (1) : et 2° si quis ob mutationem domicilii vel ob alias causas legitimas officium suum mutare debeat; officium tamen juxta matutinum et horas modo recitatas continuandum esse usque ad vesperras (2). Si quis igitur infra annum ab uno ad alium locum seu ab una ad aliam ecclesiam transeat, suum recitat officium juxta kalendarium seu directorium loci vel ecclesiae, ad quam pervenit, neglecto kalendario loci vel ecclesiae, a qua discessit, etsi unum officium hoc anno omittere, et aliud bis legere debeat : hoc clare patet, si in loco vel ecclesia, ad quam hic accedit, officium publice fiat; in hoc casu manifestum est, ipsum obligari, ad officio publico sese conformandum : et consequenter cum officium privatum eodem modo recitandum sit, idem de eodem dicendum est. Præterea in rubricis et decretis nihil occurrit, quod probet, officium in hoc casu non posse omitti, et aliud non bis recitari.

DE REGULARIBUS ET MONIALIBUS QUOAD OFFICIA PARTICULARIA.

**230.** Regulares et moniales, sive ordinario loci subjiciantur, aut breviario Romano utantur, sive non :

1° Tenentur ad particularia officia ordinis, item ad officium titularis et dedicationis propriae ecclesiae (3), et ad alia, quæ sive ratione insignis reliquæ, sive ex speciali indulto aut legitima consuetudine ibidem recitari solent.

2° Tenentur ad officium principalis patroni loci, ubi mo-

(1) S. R. C. 14 Maji 1803, n. 4338-4487, 7.

(2) S. R. C. 5 Oct. 1697, n. 3303-3452, 3.

(3) Quæ ecclesia propria vid. dec. S. R. C. n. 5713, 1; Acta s. Sedis, vol. X, fol. 322 et seq.

rantur, ac titularis ecclesiae cathedralis, patroni civitatis episcopalis, et diocesis, non tamen ad eorundem festorum octavas, quas neque ad libitum servare possunt, nisi id specialiter ipsis indultum sit, ut dictum est numeris præcedentibus. Item tenentur ad officia festorum diocesis de præcepto quoad forum (1).

Not. patronum aut titulum vi rubricarum, non dari ordini, monasterio, aut provinciae religionis (2), sed tantum ex congruentia et privilegio : et proinde si novus ordo instituat, aut monasterium ædificetur sub titulo alicujus mysterii aut sancti, officium illius tituli celebrari non posse, nisi in kalendario habeatur, et tantum eo ritu, quo ibidem notatur, si aliud ex speciali indulto non concedatur (3).

3° Possunt recitare officia ad petitionem regum et principum, si ad eos extendatur indultum (4); et etiam debent, si concessio sit præceptiva, vel quamvis permissiva, usu tamen sit recepta (5). Si hæc officia concedantur cuncto dominio seu regno, absque alia cleri expressione, intelliguntur etiam concessa vel præcepta clero regulari, sicut sæculari (6).

4° Non debent, nec possunt præter præfata recitare alia officia diocesana, quæ in cathedrali, civitate vel diocesi recitantur, nisi hæc officia ex immemorabili recitare consueverint (7), aut nisi hæc officia ipsis specialiter indulta sint ex concessione Apostolica vel constitutione religionis a Sede Apostolica approbata (8).

(1) S. R. C. 28 Ap. 1866, n. 5365, 4.

(2) S. R. C. 16 Mart. 1658, n. 1723-1870; 10 Jun. 1710, n. 3684-3833, 2. Vid. Gardellini in dec. 4431-4581, 1.

(3) Sed vid. *Analecta juris Pontificii*, 1 ser. fol. 382, IX.

(4) S. R. C. 20 Mart. 1683, n. 2870-3019, 2, et 10 Jul. 1687, n. 2994-3143.

(5) S. R. C. 2 Maji 1801, n. 4325-4474, 5; 28 Ap. 1866, n. 5365.

(6) S. R. C. 2 Maji 1801, num. cit. ad 10; 18 Sept. 1877, n. 5713, V; *Cavaliere* tom. 1, dec. 78, n. IV-VII.

(7) S. R. C. 22 Dec. 1696, n. 3259-3408. Vid. n. 213.

(8) S. R. C. 10 Junii 1656, n. 1658-1805; 20 Mart. 1683, n. 2870-3019, 1; 24 Nov. 1685, n. 2949-3098, 3; 10 Jul. 1687, n. 2994-3143; 18 Mart. 1702, n. 3473-3622, 1; 9 Maji 1733, n. 3868-4018; 15 Jul. 1769, n. 4199-4348, 3, et 4200-4349; 12 Nov. 1806 .4351-4501, 9; 28 Ap. 1866, n. 5365, 3.

5° Not. communicationem unius religionis cum alia se non extendere ad officia propria (1).

His præmissis, quæ spectant ad bullas et decreta generalia, quæ initio breviarii referuntur; sequar in sequentibus ordinem rubricarum breviarii, inter quas primæ spectant ad integrum officium, aliæ ad horas officii, scilicet matutinum, laudes, etc., aliæ tandem ad horarum partes, ut invitatorium etc.

---

### Titulus I.

---

#### 231.

#### DE OFFICIO DUPLICI

Rub. *Officium quotidie fit aut Duplex, aut Semiduplex, aut Simplex.*

1. *Officium fit duplex in diebus a Feria quinta in Cæna Domini usque ad Feriam tertiam Paschæ inclusive, in Dominica in Albis, in Ascensione Domini, in Dominica Pentecostes, et duobus diebus sequentibus: in festo Trinitatis, Corporis Christi, et Dedicationis propriæ Ecclesiæ: in Festis, quibus in Calendario apponitur hæc vox Duplex: in die octava festi habentis octavam; in festo Patroni unius vel plurium alicujus loci, vel Titularis Ecclesiæ; et in festis Sanctorum, qui apud quasdam Ecclesias, Religiones, vel Congregationes consueverunt solemniter celebrari, cum Officiis propriis a Sede Apostolica approbatis, aut ex ejusdem Sedis auctoritate receptis, vel recipiendis (servata forma hujus Breviarii), alioquin de Communi, etiamsi prædicta Festa in hoc Calendario non sint descripta. Præterea Officium*

(1) Dec. gen. quod habetur initio brev. 20 Mart. 1706, n. 3592-3741, 3; item 30 Sept. 1679, n. 2754-2903, 3; 19 Jan. 1692, n. 3114-3263, 1; 22 Junii 1697, n. 3282-3431; 12 Sept. 1699, n. 3379-3528; Cavalieri tom. 1, cap. VII.

*fit Duplex pro Defunctis in Commemoratione omnium fidelium Defunctorum, et in die obitus, seu depositionis Defuncti, ut in eodem Officio dicitur, circa finem Breviarii.*

2. *Festum duplex celebratur aut de eodem fit commemoratio, eo die quo cadit, nisi illud contingat transferri, ut dicitur in Rubrica de Translatione Festorum.*

3. *Habet primas et secundas Vesperas integras, nisi cum alio simili concurrat, ut dicitur in Rubrica de concurrentia Officii, et totum Officium fit de Duplici, incipiendo a primis Vesperis, usque ad Completorium sequentis diei inclusive: nisi aliter in propriis locis assignetur. Officium autem Defunctorum habet tantum primas Vesperas, Matutinum et Laudes, ut circa finem Breviarii ponitur.*

4. *In utrisque Vesperis, Matutino et Laudibus tantum, non autem in aliis Horis, duplicantur Antiphonæ, id est, integræ dicuntur in principio et in fine Psalmorum.*

5. *Ad Matutinum regulariter dicuntur tres Nocturni, cum novem Psalmis, et totidem Lectionibus, hoc est, in unoquoque Nocturno tres Psalmi, et tres Lectiones, præterquam in Paschate Resurrectionis et Pentecostes cum duobus sequentibus diebus, in quibus dicitur unum tantum Nocturnum cum tribus Psalmis, et totidem Lectionibus, ut ibidem ponitur.*

6. *Preces ad Primam et Completorium, et Suffragia de S. Maria, S. Joseph, Apostolis, et Pace ad Vesperas et Laudes, non dicuntur in Officio Duplici, ut etiam in propriis eorum Rubricis dicitur.*

7. *Quomodo sit ordinandum Officium duplex in Vesperis, Matutino et cæteris Horis; similiter et de Antiphonis, Responsoriis, Versibus, Capitulis et aliis in eo dicendis, habentur inferius de singulis propriæ Rubricæ.*

---

Not. 1° per festa, quæ hoc tit. n. 1, et tit. seq. n. 1, dicuntur solemniter, seu solemniter celebrari consueva, simpliciter in-